



Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14 i 59/22), u konkurentskom zahtjevu za dostavu ponuda za nabavku sa ugradnjom rezervnih dijelova za telefonske mreže, telefonske i telefaks aparate za potrebe Grada Zenica, Gradonačelnik donosi:

ODLUKU
o poništenju postupka javne nabavke

Član 1.

Poništava se konkurentski zahtjev za dostavu ponuda za nabavku sa ugradnjom rezervnih dijelova za telefonske mreže, telefonske i telefaks aparate za potrebe Grada Zenica, iz razloga što jedina zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-21402/23 od 12.10.2023. godine. Obavještenje o nabavci broj: 1355-7-2-242-3-244/23 objavljeno je na Portalu javnih nabavki dana 16.10.2023. godine i u Službenom glasniku broj: 74/23 od 27.10.2023. godine.

Procijenjena vrijednost za predmetnu nabavku iznosila je 12.000,00 KM bez PDV-a.

U krajnjem roku za dostavu ponuda, Ugovorni organ zaprimio je samo jednu ponudu ponuđača „DALCOM“ d.o.o. Zenica.

Ponuđač „DALCOM“ d.o.o. Zenica u svojoj ponudi dostavio je dvije potvrde o uspješnoj realizaciji ugovora čija vrijednost kumulativno iznosi 9.333,76 KM bez PDV-a. S obzirom da je procijenjena vrijednost nabavke 12.000,00 KM bez PDV-a, ponuđač „DALCOM“ d.o.o. Zenica nije ispunio uslov iz tačke 2.3. tenderske dokumentacije čime se ponuda ponuđača „DALCOM“ d.o.o. Zenica odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponudač je u svrhu dokaza (ugovore o djelu iz kojeg se vidi da su lica angažovana kod ponuđača (ili drugi dokaz)) dostavio ugovor o pravima i obavezama i odgovornostima tehničkog direktora bez zasnivanja radnog odnosa za lice Edin Heco, a za lica Ahmetspahić Tanja i Ahmetspahić Semir, dostavio je Listu osiguranih lica za obveznika, broj: 13-4/1-12-5-6019/23 od 09.11.2023. godine, na kojem ne postoji pečat izdavaoca dokumenta - Porezne ispostave Zenica, zbog čega se dokument ne može prihvatiti kao validan.

Zbog prethodno navedenog, ponuda ponuđača "DALCOM" d.o.o. Zenica ne ispunjava uslove iz tačke 2.3. tenderske dokumentacije i odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 5 (pet) dana od dana prijema Odluke.

Zalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Zalba se podnosi neposredno Ugovornom organu u pisanoj formi.

Broj: 02-11-21402-2/23

Datum: 16.11.2023. godine

DOSTAVLJENO:

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

